

## SCRIPT OF EVENING GOJRI NEWS BULLETIN 24MAR 2026

1700HRS

اوننگ گوجری نیوز بولیٹن 24 مارچ 2026

\*\*\*\*\*

یوہ آکاشوانی جموں ہے محمد اشفاق تے نصرت چوہدری تیں خبر سُنو۔

\*\*\*\*\*

### HEADLINES

۱۔ جموں کشمیر حکومت نے ضلع غا اچھی کارکردگی بارے انڈیکس گا 5 واں شمارا  
غو اج اعلان کیوہے جس مانہہ ضلع جموں نے بہتر کارکردگی مانہہ پہلو مقام  
حاصل کیوہے تے ضلع پلوامہ نے دوجو ، ضلع سامبہ نے تیجو تے کٹھوعہ  
ضلعو اس انڈیکس مانہہ آخری درجہ ور آيوہے۔

۲۔ جنگلات بارے عالمی تہاڑا اج جموں مانہہ منای وگیو جت جنگلات گا وزیر  
جاوید احمد رانا نے جنگلات گا تحفظ بارے عوام نانہہ سانجہ طور ور رل غے  
چلن غی اپیل کی۔

۳۔ آئیندہ مارناتہہ یاترہ خاطر جموں کشمیر بچاؤ ٹیم نے ایس ڈی آر ایف تے این ڈی  
آر ایف گا ملازماں واسطے 15 تہاڑاں ور مبنی ایک خصوصی تربیتی پروگرام غو  
آغاز کیوہے۔

۴۔ جموں کشمیر مانہہ آدھار کارڈ بارے ضروری بای و میٹرک ترمیمی مہم گا  
دوجہ مرحلہ غو آغاز ہووہے۔

۵۔ جموں کشمیر سیاحت بارے محکمہ غی طرفوں دشبہہ گراؤنڈ گاندھی نگر جموں  
مانہہ دوڑ مقابلہ گو آغاز 26 مارچ نانہہ کیوہے جو جہیڑو 28 مارچ توڑی جاری  
رے غو۔

\*\*\*\*\*

### DGGI 5.0

جموں کشمیر حکومت نے ضلع غا اچھی کارکردگی غا پیمانہ 5 عشاریہ صفر جاری  
کیوہے، جس مانہہ مرکزی زیر انتظام علاقہ غا تمام 20 ضلعان غی کارکردگی غو  
جائیزو لیو کیوہے۔ یوہ جائیزو مالی سال 2024-25 واسطے کیوہے۔ اس  
مانہہ 10 اہم شعبان تے 58 بکھ بکھ اشاریاں غی بُنیاد ور ضلع غی درجہ بندی کی  
گئی ہے۔ اس فہرست مانہہ ضلع جموں پہلا نمبر ور ہے، جس غو سکور 7.0552 ہے  
جد کہ ضلع کٹھوعہ آخری نمبر ور ہے جس غو سلور 5.5826 ہے۔ ضلع پلوامہ  
تے سامبہ بالترتیب دوجا تے تیجا نمبر ور ہیں، جن غا سکور 6.7655 تے 6.7587  
ہیں۔

\*\*\*\*\*

### INT'L DAY FORESTS

جموں کشمیر گا مہکمہ جنگلات نے اج جنگلات کمپلیکس ناروال مانہہ جنگلات  
بارے عالمی تہاڑو منایو۔ جت جنگلات بارے وزیر جاوید احمد رانا ات مہمان  
خصوصی تھا۔ اس موقع ور وزیر موصوف نے جنگلات گا شہید ملازمین نانہہ  
خراج عقیدت پیش کیوہے تے ان غی یاد مانہہ رسمی شکر کاری غی قیادت کی تے  
دیگر جنگلات بارے تربیت حاصل کرن آلا نانہہ اعزاز وی تقسیم کیا۔ اجلاس سنگ  
خطاب کرتا واں وزیر موصوف نے جنگلات غی اہمیت تے اس گا تحفظ بارے

آگاہ کیو۔ بعد ازاں میڈیا سنگ خطاب کرتا واں جناب جاوید رانا نے اس طرح  
کہیو۔۔۔۔۔

\*\*\*\*\*

### TRAINING NDRF/SDRF

آن آلا امرناتھ یاترا تیں پہلاں ، جموں کشمیر غی پہاڑی بچاؤ ٹیم، قومی تے ریاستی  
آفات تیں نمڑن آلی ٹیم گا اہلکاراں نانہ، 15 دنن غو خصوصی تربیت فراہم  
کررئی ہے۔ پیاہ ٹریننگ جموں غا پہاڑی علاقن مانہ ہو رئی ہے ، جس مانہ  
شرکاء نانہ جدید بچاؤ غا طریقہ سکھایا جارہیا ہین۔ تانجے وہ ہنگامی صورتحال  
مانہ بہتر طریقہ سنگ کم کر سکیں۔ یوہ قدم پچھلے سال آن آلی قدرتی آفات تیں  
بعد چایو گیو ہے۔ تانجے آئندہ ، ایسا حالات تیں نمڑن واسطے تیاری مضبوط وے۔  
انچارج ایم۔ آرٹی جموں کشمیر انسپکٹر رام سنگھ سلاتھیہ نے اس بارے گل کرتا  
واں اس طرح کہیو۔۔۔۔۔

\*\*\*\*\*

### MISSION YUVA UDH

نوجواناں مانہ خودکفیل تے کود روزگار نانہ فروغ دین خاطر اج ضلع انتظامیہ  
ادھمپور غی طرفوں مشن یوا غے تحت ایک میلا گو انعقاد کیو گیو۔ جس غو  
مقصد مقامی نوجواناں نانہ حکومت غے زیر انتظام بکھ بکھ سکیمان غے ذریعے  
پیش کردہ خود روزگار گا موقع تلاش کرن تے آن تیں فائڈو چان بارے آگاہ کرنو  
تھو۔ اس موقع ور ضلع ترقیاتی کمشنر ادھمپور مینگا شریا ات مہمان خصوصی تھیں  
تے آن غے نال روزگار بارے اسٹینٹ ڈائریکٹر پرینکا گپتا تے دیگر ضلع افسر  
وی ات موجود تھا۔ اس بارے بولتا واں ضلع ترقیاتی کمشنر ادھمپور نے اس  
طرح کہیو۔۔۔۔۔ تے اس سلسلہ مانہ گل کرتا واں چینی علاقہ گا ایک نوجوان  
سورو نے اس طرح کہیو۔۔۔۔۔

\*\*\*\*\*

### AADHAAR BIOMETRIC DRIVE

جموں کشمیر مانہ یو۔ آئی۔ اے۔ آئی۔ ڈی نے تکنیکی معلومات محکمہ تے سماگر شکشا  
غے سنگ مل گے وسیع پیمانہ ور آدھار لازمی باؤ میٹرک اپڈیٹ ڈرائیو غا دوجا  
مرحلہ غی شروعات کی ہے۔ مہارا آکاشوانی جموں غا نامہ نگار نے خبر دتی ہے  
کہ پیاہ مہم سرمائی زون گا اسکولان مانہ شروع ہوئی ہے تے پہلی اپریل توں  
گرمائی زون غا اسکولان مانہ شروع وے غی اس قدم غو مقصد بغیر کسے  
رُکاوٹ غے بکھ بکھ سرکاری سکیمان، وظیفان تے خدمات نانہ یقینی بنانو ہے اس  
سلسلہ مانہ والدین توں اپیل کی گئی ہے کہ وے مزید جانکاری واسطے متعلقہ  
سکولان سنگ رابطہ مانہ رین۔

\*\*\*\*\*

### JMU MARATHON EXPO

محکمہ سیاحت جموں کشمیر 26 تیں 28 مارچ 2026 توڑی دشہرہ گراوند گاندھی نگر  
جموں مانہ ، جموں میراتھن ایکسپو غو انعقاد کرن جارہیو ہے۔ یوہ ایکسپو جموں  
میراتھن تیں پہلاں منعقد کیو جارہیو ہے۔ جہیزو 29 مارچ 2026 نانہ ہون آلو ہے۔  
اس ایکسپو مانہ لوکاں واسطے بہت دلچسپ چیز ویں غی۔ جسراں کہ میراتھن غا  
بیب نمبر تے ٹی شرٹس غی تقسیم کاری ، مشہور گلوکاراں غو براہ راست پروگرام،



\*\*\*\*\*